

"Shah pnyieng lain bad siat iap": Pnyieng ki riewkieng atiar ia ka bus bad pnyiap ia 7 ki riew paidbah ha Pak



Ki bor shipai kiba la wan poi ha ka jaka ba la jia ka jingshah thombor.

Quetta, Rymphang :Ki riewkieng atiar ha ka thain shathie spngi jong ka Pakistan ki la siat iap ia hynniew ngut ki nongleit jingleit kiba shong ha kawei ka bus hadien ba ki la ithuh ba ki dei na kawei pat ka thain, ongka khubor heh sorkar ha ka sngi Balang ba la lah.

Ki bor pahara ki la iakhun pyrshah ia ki jingkiakynad kiba mih na ka jingsngew iapher jaidbynriew bad na ki kam lehnoh la bun phew snem mynta ha ka thain Balochistan kaba duk hynrei kaba riewspah ha ki marpoh khyndew, kaba don ha khappud bad ka Afghanistan bad ka Iran.

Ki kam thombor pyrshah ia ki bor pahara bad ki kynhun jaidbynriew ki la nangkiw naduh kine ki

khyndiat snem ba la dep, kata khamtam pyrshah ia ki nongbthei ia ki taiar jong kawei ka jylla kaba bun briew tam bad kaba roi tam ha ka ri bad kaba dei ruh ka jaka kaba don bun ki jaka pynrung kam na ka bynta ki shipai.

Ki riewkieng atiar ha ka sngi ba Ar ba la lah ki la siat pynbthei ia ki taiar jong kawei ka bos kaba dang iaid lyngba ka Balochistan ha shilynter ka surok baba kaba don hajan u pud jong ka jylla bad ka Punjab, ong u Saadat Hussain uba dei u heh sorkar ka thain lyngba ka lad pathai khubor.

Kine ki riewkieng atia ki la kiew ha ka bus bad ki la dawa ban pnyi ia ki kot ki sla jong ki nongleit nongwan. Ia ki nongleit nongwan kiba dei

na ka jylla Punjab... la rah noh da ki lehnoh bad la pnyiap ia ki," ong u Hussain. "Ki la shah pnyieng lain bad shah siat iap."

Ha kaba iadei bad kane kam thombor um pat shym la don kino kino ki kynhun ki ban shim ia ka jingkit khlieh. Hynrei ka kynhun Balochistan Liberation Army (BLA) ka dei ka kynhun kaba khilaiñbor bha ha katei ka thain ha kaba ka la pnyiap ruh ia 6 ngut ki briew na ka jingjibthei bom ha u bnai Kyllalyngkot ba la dep.

Ki lehnoh kiba dawa la ka jong ka jingsynshar ki la pnyiap ia palat 39 ngut ki briew ha ki jingthombor kiba la jia ha u snem ba la dep bad kiba la thmu kham bunsien ia

ki jaidbynriew Punjabi.

Ha u bnai Naiwieng ba la dep ka BLA ka la shim ia ka jingkitkhlieh halor ka jingbthei bom ha ka station rel ba kongsan jong ka Quetta kaba la pnyiap ia 26 ngut ki briew kynthup ia 14 ngut ki shipai.

Ki lehnoh ha ki por ba la dep ki la thombor ruh ia ki projek pynmih bording ba la bei tyngka da ki ri kiba na bar khamtam eh na China da kaba kynnoh ia ki briew kiba nabar ba ki pyndonkam bakla ia kane ka thain kaba riewspah ha ki marpoh khyndew katba ki kyntait bad iehnoh bein ia ki nongshong shmong ha kane ka thain kaba duk tam jong ka Pakistan.

Katsum ka jingkheñ ba la ioh lum da ka lad pathai khubor naduh ka 1 tarik u Kyllalyngkot ba la dep ym duna ia ka 67 ngut ki briew kiba bun na ki, ki dkhot jong ki tnad pahara ki la shah pnyiap ha ki kam thombor ba la pynlong da ki kynhun lehnoh khamtam ha ka thain sepgi kaba don ha khappud bad ka Afghanistan.

U snem ba la dep u dei u snem uba shyrkhei tam ha ki shipew snem ba la leit noh na ka bynta ka Pakistan ha kaba la sakhi ia ki kam thombor kiba la pnyiap ia palat 1,600 ngut ki briew, kaba kynthup ia 685 ngut ki dkhot jong ki pulit lane ki bor pahara.

Pyni paidbah ka Hamas ia ki 4 tylli ki synduk metiap kynthup ia jong ka kmie bad 2 ki khun rit hashwa ban aiti sha Israel

Gaza, Rymphang :Ka Hamas hynne ka sngi Palei ka la aiti noh ia ki synduk metiap kaba ka la ong ba ki don ia ki metiap jong ki sawngut ki koidi nong Israel, kaba kynthup ia ki jong ka longiing Bibas kiba la kylla long ki dak jong ka jingeh kaba la ktah jur ia ka Israel naduh kaba sdang jong ka thma Gaza.

Kane ka jingpynkynriah ia ki metiap ka dei kaba nyingkong eh da ka Hamas naduh ba ka la wan hiar thma sha ki bynta ka Israel ha ka 7 tarik u Risaw 2023, ka la pynmih ia ka thma, bad kane ka la wan jia hapdeng jingsangeh iasiat ha kaba la ioh ia ki koidi kiba shah rahbor kiba dang im la pynphai bujli bad ki koidi nong Palestine kiba la set ha ki phatok jong ka Israel.

Ia ka jingialang ban pynphai biang ia ki metiap jong ka Shiri Bibas, ki argut ki khun rit jong ka -- u Kfir bad u Ariel -- bad uwei pat u koidi uba saw, u Oded Lifshitz 83 snem ka rta ha ka por ba la rahbor ia u, ka la long ha kawei ka lum jingtep barim ha ka nongbah Khan Yunis, shathie jong ka Gaza.

Hashwa ban aiti, ka Hamas ka la pnyi ia saw tylli ki synduk kiba iong ba la buh halor ka rynsan kaba la



Ki sawtylli ki synduk metiap ki koidi hashwa ban aiti sha ka Israel.

pnyieng ha ka jaka madan. Katba lama kaba don sha lyndet jong kine ki synduk ka la pnyi ia u Myntri Rangbahduh ka Israel u Benjamin Netanyahu kum u vampire, uba la bit snam katba kynthup ia u koi koi jong ka Hamas u dang ieng hajan.

Kawei pa kawei ka synduk ka don ka dur barit jong uwei pa uwei na kiba iap. Ki dur nongmuna jong ki namding ba la ai rong lieh ba la buh hajan ki synduk ki don ia ka jingthoh: "La pnyiap ia ki da ki bom jong ka USA."

Kham hadien ki shipai

Israel ki la ong la aiti ia ki metiap jong kine ki lanot ba shah rahbor sha ka bad sha ka tnad pahara jong ka Shin Bet ha Gaza.

Da ki spah ngut ki paidbah ki la iawan ban sakhi ia kane ka jingialang. La tei ia ka jingker ban pynjngai ia ki nongpeitkai na ka jaka ba marjan hashwa ban aiti sha ka Red Cross.

Lah ban kdew ba ki dur video kiba pnyi halor ka jingshah rahbor jong katei ka longiing kiba la ring dur bad pynbna paidbah da ka Hamas ha ka por ba ki thombor, ki

pnyi ia ka kmie bad ki khun shynrang ba dang rit jong ka, u Ariel, uba dang saw snem ha kata ka por, bad u Kfir, uba dang khyndai bnai kiba la shah rahnoh na ka iingsah jong ki kaba don hajan khappud jong ka Gaza kaba dei ruh ka jingjia kaba i sangsot bad kaba pynkhihwin ia ka pyrthei.

U Yarden Bibas u kpa jong kitei ki khyndah bad u kurim jong ka Shiri ula shah rahbor ha la ka jong ka jingjia ha katei ka sngi bad la pyllait noh ia u na Gaza Strip ha ka jingpyllait koidi kaba la dep ha ka 1 tarik mynta u bnai.

10 snem shah rai set phatok u briew ba kawang bom ia u PM barim ka Japan ha u 2023



U Myntri Rangbahduh barim ka Japan u Fumio Kishida.

Tokyo, Rymphang :Uwei u briew hynne ka sngi Balang u la shah rai pynrem da kaba set phatok haduh 10 snem kynthih namar halor ka pyrshang ban pnyiap ia u Myntri Rangbahduh barim ka Japan u Fumio Kishida da kaba pyndonkam da u pipe bom ha u snem 2023, ong ka iingbushar ka thain.

U Kishida um shym la mynsaw satia ha katei ka jingshah thombor da ka tiar pynbthei ba la shna hi ha ka

jingialang ialap elekshon ha kaba u nongthombor u Ryuji Kimura uba la don mynta 25 snem ka rta u la shah kem ha katei hi ka jaka.

Kane ka jingjia ha ka thain sepgi ka Japan ka la wan jia tang shisnem duna hadien ba u Myntri Rangbah barim u Shinzo Abe u la shah pnyiap ha u bnai Naitung 2022 ha ka lynthi ialap elekshon.

Ka nongaiktien ka iingbushar ka district Wakayama ka la pynthikna ia

ka jingshah set phatok kaba 10 snem pyrshah ia une u briew uba donkti lyngba ka lad pathai khubor.

"Ka jingsyier kaba la wanrah ia ka imlang sahleng lyngba kane ka jingthmu pnyiap ia u Myntri Rangbah duh ba mynta ka long kaba kongsan bha", ong ka lad pathai khubor kaba la shim ia ka jingpynpaw jong ka nongbi shar ka Keiko Fukushima.

"Donkam ban ai da ka jingpynshitom kaba jur ban

khanglad ia kiba pyrshang pyrthuh bud bad ym lah ban kheñ sting ba u la pynthut jur ia ka rukom jied nongmihkhamat, kaba long ka nongrim jong ka synshar paidbah," ka la ong.

Ki nongmudui ki la dawa ia ka rai set phatok kaba 15 snem katba ka kynhun iada ia u Kimura ka la iasaid haduh lai snem namar ba u la kyntait ba u thmu ban pnyiap ia u Kishida, ong ki khubor.

Ki bor pulit ki la ioh ban kurup ia ki suba bakhur pynbthei bad ki kynja pipe ha ka jingkhynra ia ka iingsah jong u Kimura hadien katei ka jingjia shah thombor.

Ha ki jingpynsngew ha ka por shim bishar, ki nongiasaid aiñ jong u Kimura ki la ong ba ka jingthmu jong u ka long ban ioh ia ka jingphaikhamat jong ki paidbah, kumta ka jingshah kynnoh pyrshah ia u ka dei ban long ba kam shym la don ka jingthmu ban pnyiap briew.

Hynrei la iathuh ba ki nongmudui ki la khot ia katei ka jingjia kum ka kam pyntriem lehnoh bad ki la ong ba u nongthombor u tip ba ki tiar pynbthei jong u ki long kiba shyrkhei.

Mynsaw palat 150 ngut ba khie biang ka jingkiakhih ha Bangladesh, kata hapdeng ki samla pule

Dhaka, Rymphang :Haduh palat 150 ngut ki samla pule ki la mynsaw na ka jingkiakynad ha kawei ka skulbah ha Bangladesh mynta ka taiew, ka jingjia kaba dei ka dak jong ka jingkiapher jingmut kaba jur hapdeng ki kynhun kiba la iarap ban pynmih ia ka jingkylla ha ka ri ha u snem ba la dep kaba la pynlong ia ka Myntri Rangbahduh barim ka Sheikh Hasina ba kan khyllim noh na ka bor synshar kaba 15 snem.

Ka jingkiakynad hapdeng ki seng samla pule kiba kyrshah ia ki kynhun saiñpyrthei bapher bapher ka la mih ha Khulna University of Engineering and Technology (KEUT) kaba don ha ka thain shathie mihngi jong ka ri halor ka mat ban khang ia ki samla pule ha ki kam saiñ hima sima ha kane ka skulbah.

Kane ka jingkiakynad ka la sdang ha ka nohphai sngi jong ka sngi ba Ar ba la lah hadien ba ka kynhun samla jong ka Bangladesh Nationalist Party (BNP) -ka Jatiyotabadi Chatro Dol (JCD)- ka la pyrshang ban pynrung ia ki samla pule ha KUET. Kane ka la pynmih ia ka jingkiakynad bad ki dkhot jong ka campus ka Students Against Discrimination (SAD), ka kynhun kaba pynlong ia ka jingkiakhih kaba la pynkhyllim noh ia ka jingsynshar jong ka



Ki samla pule kiba la poi sha ka jingkiakynad hapoh ka skulbah ha Bangladesh.

Myntri Rangbahduh barim ka Hasina ha u bnai Nailar jong u snem ba la dep.

Ka jingkulmar ha ka jaka pule ka la nang jur shuh shuh da ki nongkiakhih kiba la pynsangeh ia ka jingtreikam jong ka jaka pule bad ia baroh ki kam pule puthi. Ki samla pule ki dawa ruh ia ka jinghiar shuki noh ia u Vice Chancellor u Mohammad Mashud.

Ha ka miet sngi ba Ar ba la lah la iathuh ba ki samla pule kiba iakhiih ki la khang ruh ia u Mashud bad kiwei kiwei ki heh sorkar ha ka jaka pule jong ka KUET hadien ba ka la mih ka jingialeh markylliang kaba mar met hapdeng kine ki kynhun ki

samla pule.

Haduh palat 50 ngut ki briew ki la shah sumar na ki jingmynsaw hadien katei ka jingkiakynad, ong u heh pulit ka Khulna, u Kabir Hossain lyngba ka lad pathai khubor. "Ia ka jinglong jingman mynta la lah ban tehlakam bad la wanrah shuh shuh ia ka kynhun pulit sha kane ka jaka," u la bynrap.

Ha ki dur kiba la saphriang kiba pnyi ia ka jingialeh markylliang sa sakhi ia ki kynhun ba ialeh pyrshah kiba rah ia ki wait bad ki dieng kumjuh ia ki samla pule kiba mynsaw kiba la shah kit sha hospital ban aijingsumar.

Baroh ki ar kynhun ki la kynnoh markylliang halor ka

jingsdang ia kane ka jingkiakynad, ha kaba u heh jong ka seng samla pule jong ka BNP, u Nasir Uddin Nasir, u la kynnoh ia ki dkhot jong ka seng Student Against Discrimination bad Bangladesh Chhatra Shibir ka kynhun samla pule jong ka seng Islamist Jamaat-e-Islami kiba la pynkrehre lypa dang shen ia kane ka kam thombor bad kaba la pynmih ia ka jingialeh markylliang.

Katei ka jingjia ka la pynmih ia ka jingbatar jong ki samla pule sha kiwei pat ki jaka jong ka ri bad kiba la pynlong da ki jingkiakhih pyrshah ha ka miet jong ka sngi ba Ar ba la lah ban pynrem ia ka seng samla jong ka BNP ha Dhaka University.

Kloi ka Hamas ban pyllait noh ia baroh ki koidi shisien pyllait; Kaei kaba ki kwah markylliang?



Gaza, Rymphang :Ka Hamas ka la tyrwa ia ka sienjam kaba khraw ha kane ka jingsangeh iasiat kaba dang bteng bad ka Israel da kaba tyrwa ban pyllait noh shisien pyllait ia baroh ki briew kiba ka la rahbor bad bat koidi ha Gaza Strip.

Kane ka jingthmu ka long ruh ban wanrah ia ka jingsuk kaba neh bad ka jingweng noh pura ia ki shipai Israel na ki bynta ka Gaza. U Hazem

Qassem, u nongaiktien ka Hamas u la pynksan ia ka jingkular jong ka kynhun halor kane ka jingtyrwa, da kaba ong, "Ngi la pynkrehre na ka bynta ka wat kaba ar ha kaba ym pyllait noh ia baroh ki koidi shisien pyllait hapoh ka kyndon jingiateh kular ka ban ialam sha ka jingsangeh iasiat kaba neh bad ka jingmih noh ba pura jong ki shipai Israel ha Gaza Strip."

hynriew ngut.

"Ka Hostages and Missing Families Forum ka pdiang da ka jingkmnen kaba khraw ia ka jingwanphai biang jong ka Eliya Cohen, Tal Shoham, Omer Shem Tov, Omer Wenkert, Hisham Al-Sayed, bad Avera Mengistu ha kane ka sngi Saitjain ka ban wan", ong ka kynhun ha ka kyrwoh, hadien u la kdew ia kane ka jinglong kum ka thma kaba sngew lyngngoh ha ka jingmut jingpyrkhat. U la pynksan shuh shuh ba ka jingweng ne pynduh tiar ia ki kynhun ialeh pyrshah na Gaza ka long kaba ym lah ban pdiang.

Ka Hamas ka la rai ruh ban kyntiew shuh shuh halor ka jingpyllait koidi markylliang ka ban long ha ka sngi Saitjain, kata na ka lai ngut sha ka

jingkyrpad da ki nongpyniasuk bad ban pynshisha ia ka jinglong khia jong ngi ban pynpreikam ia baroh ki kyndon jong ka jingiateh."

Ia kane ka jingtyrwa la pynmih ha ka por ba u President ka US u Donald Trump u kren pyrshah ia ka jingpyllait kaba man la ka taiew ia ki briew kiba shah rahbor na Israel. Nalor kata wat ki bahaiing hasem jong kito kiba dang sah ha Gaza ki la khot ba baroh ki nongshah set kiba dang sah kin shah pyllait lang noh ha kajuh ka por: Ka jingteyng jong ka Israel ban khanglad ia ka Gaza Strip ka la pynjur ia ka jingeh jong ki briew, ha kaba ki jaka iaid khappud kiba kongsan ki dang shah khangdam.

MEGHALAYA TRANSPORT CORPORATION
(A Govt. of Meghalaya Undertaking)
I.S.B.T. MAWIONG, SHILLONG-793016
Email: mtc.meg@nic.in

No. MTC/STEMS/APPT/2023/947/217 Dated Shillong, the 20th February 2025

ADVERTISEMENT
Dated Shillong, the 20th February 2025

Meghalaya Transport Corporation invites application to fill up some posts of Drivers on Contractual Basis for the operation & Maintenance of STEMS Buses and payment will be as per the Minimum Wages Act, 1948 under Skilled category. Interested male candidates holding valid professional Driving licence may apply.

Last date for submission of the Application: **04.03.2025**

Driving Test cum Interview will be held on **12th March 2025** at 10.00 A.M. at ISBT, Mawiong. All candidates should report by 10.00 A.M. sharp.

Requirements:

DRIVER
(i) Must have passed Class VIII or higher.
(ii) Age as per Govt. norms, should not be more than 37 years as on 1 st January 2025
(iii) Must have at least two year of experience in driving heavy passenger vehicles.
(iv) Must have basic knowledge of repairing defects & maintenance of Buses.
(v) Must have thorough knowledge of Traffic rules and regulations
(vi) Must be mentally and physically sound and free from any disease or ailment which may prevent him from discharging his duties

Application should be submitted in Standard Form with supporting documents along with a Fee of Rs. 200/- (Rupees Two hundred) only payable to the Managing Director, Meghalaya Transport Corporation, Head Office, Shillong on or before the 4th March 2025. No application will be entertained after the last date

The appointment will be issued after executing a Contract Agreement with the Corporation for a period of 6 (six) months initially which may be extended from time to time subject to satisfactory performance and further requirement of the Corporation.

(K.L. Nongthor)
Managing Director
Meghalaya Transport Corporation

MIPR No. 1839
Dt: 20/02/2025